


1360.139  
137  
21~34

卷首

御製  
引用書目  
圖說

豐業府志



興義縣志

舊志序

南籠無志也。地落荒陬。苗多蠡螭。歷以羈縻外之。統歸梁州南境。無可志。亦不必志也。洎乎前明。分戍置屯。設衛所於陵元之堡。始曰安籠。嗣是以還。人雜漢彝。地近衣冠。歷二百餘年。宜若有可志者。乃割隸無定。風物可知。山川雖猶是也。而有苗未格。難成大禹之謨。稽黔志於子章。亦屬筆終未及矣。洪惟我

朝文德誕敷。遠人來服。自古不臣之地。莫不喁喁嚮風。屬在南籠。又其

聲教所先訖者。改廳建府以來。定田賦。設膠庠。舉侏離獷悍之習。廓而清之。百年之氣象維新。

一人之經綸丕著也。昌恭膺

興義府志序

貴陽文通書局代印

簡命。來守是邦。雖稽往事。未有成書。履新阡而經界綺錯。臨頻壁而雅藻芳流。其間象野之拱於辰。山澤之奠於位。城郭之固吾圉。區域之畫乃封。歷歷可徵。恍若圖呈在目。矧乎式孝友之間。其人可作。綽節義之楔。厥事如生。無曰邊隅。有足多者。是可知南籠之無志。以無可志也。今之風土人物。較諸往昔。若開草昧而啓鴻濛。風氣協天。時物隨化。按百餘年休養薰陶之情事。而臚列之。將以占天時。考封域。稽滄畝。明官常。別貞淫。刺奢儉。察機祥。昭信守。悉具於是。無事附會遠搜。徒落摭摭者。猗歟休哉。從古興廢之屬。歷無可志者。而今志之。且必志之者何也。蓋志者志其實也。實之不存。志將焉屬。故昔之風土人物。無可志。而今志之。且必志之。實以志

盛朝至治之實云爾。由斯以談。昌是以不揣無文。竊取周官外史氏

之意。據事直書。以附文獻之末。而南籠於是乎有志。

乾隆二十九年十月

賜進士出身朝議大夫知貴州南籠府事成都李其昌撰

興義府志序

二

貴陽文通書局代印

興義府志序

我

朝土宇版章增其式廓萃天下郡國志以成一統志典至鉅也若是乎郡國不可以無志志不可以不詳備屬在邊徼爲尤急誠以地居荒遠風土人情必文獻足徵而始

著然需之孔急而成之愈難淺見寡聞汲古功疎則攷覈難撐腸拄腹泥古不化則著作難取才富有論古無識擇焉不精語焉不詳則論斷尤難加以簿書鞅掌案牘勞形屈首朱墨日不暇給則又難乎其難以故通都大邑經

國家承平二百餘年教澤風行文  
華日盛而志乘缺如者猶且不乏  
矧在邊徼去京師萬里者乎歲壬  
子奉

命視學黔南所至必取志乘覽之  
以藉知其習俗而識其土風去春  
至興義興義古牂柯地違畿輔幾

萬里甫下車郡守 春潭年丈將  
往威甯權道篆一晤而別今冬科  
試重來 公仍守此以所撰府志  
見示讀之較舊志詳數倍舊志書  
僅八卷無表無列傳 公自道光  
二十一載來守是邦喜其地僻而  
事簡愛其習俗之醇茂公餘取舊

志刪其繁存其要補其略增其遺  
分門別類釐爲七十四卷聚十三  
載之精神搜萬餘卷之積軸傳疑  
傳信網羅數十載之舊聞其慎其  
難更易十數番之手稿而後質諸  
鄒淑績孝廉朱蓮生茂才均謂毫  
髮無憾始出付剞劂嗚呼備矣

公蓋裕作史之學擅作史之才具  
作史之識故攷覈詳明著作淹雅  
論斷精當讀公之志庶邊徼之  
風土人情均可悉其概矣以篇家  
之鴻筆登著作之庭所謂大雅宏  
達於是乎在惡可以不書

咸豐四年歲次甲寅孟冬望後穀

旦提督貴州學政翰林院編修年  
愚姪黃統謹序



興義府志序

郡之有志。所以表賢敦俗。佐治興文。考沿革。正疆域。辨險要。察風土。論政教。勵官常。詳典章。以備掌故者也。興郡南界粵。西界滇。盤江環郡。萬山凌雲。漢苗雜處。爲黔省西南要郡。尤不可以不詳志。粵稽郡地。上古爲盤瓠國。唐虞爲荒服。殷曰鬼方。周曰夜郎。曰牂柯。曰靡莫。其時屬在遐荒。未漸聲教。文物闕如。迨漢始置郡縣。前漢曰牂柯郡。曰夜郎縣。後漢曰興古郡。晉曰夜郎郡。名宦鄉賢。於時輩出。可志良多。降及六朝。厥地沒入爨蠻。至唐羈縻。遙置盤州。宋爲羅蕃國。爲于矢部。未置郡縣。元爲普安路。凡此數朝。稽之載籍。間有可徵。迨至明初。於今郡之全境。設二衛六所。二衛者。普安衛。安南衛。六所者。安南所。安隆所。新興所。新城所。中左所。中右所。是也。明之中葉。又析普安衛。置普安州。一朝之人物典章。粲然可考。洎我

興義府志

序

貴陽文通書局代印

皇朝。順治初年。故明之永明王。竊據郡境。僭改安隆所。爲安龍府。至順治十五年。地入版圖。乃改安龍府。爲安龍所。後析普安衛。置普安縣。康熙時。又裁安南安龍二所。設南籠廳。改安南衛。爲安南縣。雍正中。始升南籠廳。爲南籠府。又割泗城地。設永豐州。與普安州。普安縣。安南縣。並隸府。郡守與州縣。分境而治。乾隆中。仍其制。至嘉慶二年。平苗。乃

賜改南籠府。曰興義府。改永豐州。曰貞豐州。又析府地。及普安州地。設興義縣。而普安州。旋改爲普安廳。遂不隸府。于是郡領州一。縣三。曰貞豐州。興義縣。普安縣。安南縣。郡守仍與州縣分境而治。而所領州縣。與雍正乾隆時異矣。洪惟我

國家

聖聖相承。

皇仁遠被。

文教遐宣。久道化成。以迄于今。郡境沐浴

聖化。二百餘年矣。禮樂彬彬。人文蔚起。風俗醇美。允臻極盛。猗歟休哉。人物典章。誠志不勝志焉。鎮守斯郡。前後瞬逾十載。憶道光二十一年。初來守郡。見郡境山川奇秀。風氣敦龐。士樂詩書。民安耕鑿。驟然喜。既乃考典章。覽郡志。志爲乾隆中。李漣溪郡守撰。書名南籠府志。凡八卷。紀載頗簡明。惟書中僅有八志。而無表與列傳。又書成于乾隆二十九年。距今幾及百年。郡與州縣。既經析置改隸。凡疆域制度田賦之類。已多與今不合。矧近百年中。郡之名宦鄉賢。忠臣孝子。

興義府志序

二

貴陽文通書代局印

文人良將。以及列女。宜續志者多。且舊志僅志府親轄境事。未志所屬各州縣境事。則舊志不可不增修也。修郡志。郡守責也。鎮不敢多讓。自任增修。乃出藏書萬卷。博考纂輯。復詢紳士。訪父老。屬草焉。如是者十年。彙凡數易。道光三十年。聘楚南鄒淑績孝廉來郡。出彙相質。商確經年。又易彙者再。咸豐元年。又聘江南朱蓮生茂才勸修。商確兩年。與共定義例。闕者補。僞者正。冗者節。泛者刪。又數易彙。至咸豐三年。乃成書七十四卷。凡志四十二卷。表十二卷。列傳十七卷。都計自屬草以迄成書。凡十有三年而書乃成。甚矣其難也。鎮之心力。瘁于此書矣。然一人之耳目有限。天下之載籍無窮。黔中古籍。如明趙汝謙之平黔記。李標之全黔紀略。趙瓚之貴州新志諸書。鎮均未之見。恐于郡事。僅知什一于千百耳。而欲愜心大備。豈有已時。姑先

某行。以待將來。再修增補。惟竊思古今撰志者。約有十六病。或考今遺古。枵腹成書。逞臆而言。無徵不信。病一。或繁徵博引。與地無關。穿鑿支離。茫無端緒。病二。或直寫采訪之冊。大類胥鈔。冗贅引證之書。不知裁剪。病三。或時攙俚語。言之無文。或轉借艱深。以文淺陋。病四。或數卷之中。自相矛盾。各卷之內。論斷不加。病五。或但據舊文。弗參互考。但知其一。不知其他。病六。或傳方外。則高談仙佛。志邱墓。則修語鬼神。志祠祀。則文廟與寺觀並列。崇尚異端。鑿戾書旨。儒者譏之。病七。或廣載藝文。幾同文選。頌已德政。亦入志書。于義何居。大乖志例。病八。甚有臚列已文。似已文集。桂林相國。曾議其非。病九。雖曰志乘體裁。似宜有褒無貶。然使過于夸飾。何以傳後。信今。病十。至于考核不精。予奪不當。體例不善。敘述不詳。去取不嚴。關係不載。此六者。

興義府志

序

三

貴陽文通書代局印

尤撰志之大病也。凡此十六病。鏤今定稟。豈盡無之。然鏤于此書。徵引必著書名。稽溯必詳源委。采摭必求關郡。條目必求分明。訪冊不盡信憑。引書稍加裁節。俚言必去。晦語必芟。矛盾必無。論斷必有一事必互考。各說必並存。不崇尚異端。不濫存嚙語。昔人之文多錄。近人之作略存。至間載已文。僅數篇見意。而頌揚德政。則一字不登。列傳核實必嚴。諸志夸詞必削。考核必求一是。予奪必鑒衆心。體例悉本前人。敘述折衷聚訟。去取俱有深意。關係盡爲大書。此寸心所自信。而于舊志。稍有微功。于興郡。非無小補者也。或曰。舊志祇八卷。似過于簡。今書七十四卷。毋乃過于繁乎。不知志體繁簡何常。卽今于舊志事蹟。盡采入書。而字節句刪。文省于舊。是今更簡于舊志也。至上下三千年。別增事蹟。近今一百載。臚載典章。此固宜詳而賅。不宜

簡而略已。況表傳既增。州縣兼志。則卷多于舊。勢有必然。且古今志書。固有以簡勝者。亦有以繁勝者。如宋常棠之澈水志。僅十四頁。元馮應京之昌國州志。僅七卷。明康海之武功縣志。僅二卷。韓邦靖之朝邑縣志。僅二十餘頁。此皆簡而能賅。以簡勝者也。若宋潛說友之臨安志。九十三卷。明劉昌之蘇州續志。一百卷。陳繼儒之松江府志。九十四卷。程敏政之新安志。一百卷。陳善之杭州府志。一百卷。此皆繁而不蕪。以繁勝者也。然以簡勝者。皆州縣志也。以繁勝者。皆郡志也。蓋州縣志。祇載偏隅。事蹟少。宜以簡嚴勝。郡志兼載各屬。事蹟多。宜以詳贍勝。舊志名爲郡志。實僅載親轄一隅。則猶之州縣志也。宜可以簡也。今則備載各屬。與其簡而略。不如詳而贍矣。抑鎡更有說焉。昔宋朱長文撰吳郡圖經續記。徵引博而序述簡。范成大撰吳郡興義府志。序

咸豐三年二月朔日

欽加升銜軍功道銜前護貴西兵備道興義府知府南皮張鏌謹序  
于郡署欲寡過軒

興義府志

序

五

貴陽文通書局代印

興義府志修輯銜名

鑒定

原任雲貴總督賀長齡湖南善化人  
太子太保原任雲貴總督林則徐福建侯官人  
原任雲貴總督李星沅湖南湘陰人  
前任雲貴總督程喬采江西新建人  
原任雲貴總督吳文鎔江蘇儀徵人  
兵部尚書兼都察院右都御史雲貴總督羅繞典湖南安化人  
太子少傅原任貴州巡撫喬用遷湖北孝感人  
兵部侍郎兼都察院右副都御史貴州巡撫蔣霽遠漢軍鑲黃旗人  
前任貴州布政使吳式芬山東海豐人

興義府志

卷首

銜名

貴陽文通書局代印

前任貴州布政使今升福建巡撫呂佺孫江蘇陽湖人  
貴州承宣布政使司布政使羅炳綱滿洲鑲藍旗人  
前任貴州按察使今升雲南巡撫吳振械浙江錢塘人  
前任貴州按察使升任江蘇布政使武棠山西陽高人  
貴州提刑按察使司按察使孔慶鋤山東曲阜人  
原任雲州學政丁嘉葆江蘇武進人  
前任貴州學政翁同書江蘇常熟人  
貴州學政翰林院編修黃統廣東順德人  
貴州糧儲道承志滿洲正黃旗人  
前任貴西兵備道田潤陝西臨潼人  
貴西兵備道福連滿洲正藍旗人

纂修

興

義

府

知

府張

鎮直隸南皮人

協修

舉

人鄒漢勳湖南新化人

生

員朱逢甲江蘇華亭人

分輯

前

署

貞

豐

州

知

州張克綸湖南華容人

貞

豐

州

知

州蔣時淳湖北天門人

前

署

興

義

縣

知

縣徐鉉江蘇宜興人

興

義

縣

知

縣胡霖澍湖北黃岡人

前

署

普

安

縣

知

縣高廷鎮江西東鄉人

興義府志

卷首

銜名

二

貴陽文通書局代印

前

署

普

安

縣

知

縣陳忻煜江西崇仁人

前

署

普

安

縣

知

縣錢元善浙江山陰人

普

安

縣

知

縣汪先煊安徽桐城人

前

署

安

南

縣

知

縣吳棻直隸涿州人

署

安

南

縣

知

縣陳鏊直隸文安人

興

義

府

教

授張元弼貴州遵義人

興

義

府

訓

導馮正杰貴州遵義人

署

貞

豐

州

學

正趙玉墀貴州貴陽人

興

義

縣

訓

導孫元相貴州都勻人

普

安

縣

教

諭盧志超貴州石阡人

普

安

縣

訓

導李榮憲貴州貴筑人

安南縣教諭楊連奎貴州遵義人

興義府經歷李逢謬江南鎮洋人

前署冊亨州同張元泰安徽桐城人

署冊亨州同王鼎沅江南上元人

采訪

翰林院編修景其濬興義府人

直隸望都縣知縣鄔井南興義府人

江蘇荆溪縣知縣景其淦興義府人

山東長山縣知縣曾敘符興義府人

雲南順甯縣知縣景堯春興義府人

貴州貴陽府訓導孔廣沛普安縣人

興義府志 卷首 銜名 三 貴陽文通書局代印

貴州黃平州學正景其澍興義府人

貴州鎮遠縣教諭陳嘉霖興義府人

舉人楊智超興義府人

舉人景其全興義府人

舉人徐世德興義府人

舉人張詠棠興義府人

舉人胡爾昌興義縣人

舉人孔廣修普安縣人

舉人王績康貞豐州人

副貢生張國華興義府人

副貢生繆正經興義府人

拔拔拔拔拔拔拔拔拔拔

貢貢貢貢貢貢貢貢貢貢

生嚴以正興義府人  
生曾永泰興義府人  
生景其澤興義府人  
生李瑞枝興義府人  
生李南枝興義府人  
生李鳳儀普安縣人  
生易開第  
生黃晉明貞豐州人  
生黃暘明貞豐州人  
生劉璿興義府人  
生夏從先興義府人

興義府志

卷首

銜名

四

貴陽文通書代局印

貢貢貢貢貢貢貢貢貢貢

生劉心初興義府人  
生饒克昌貞豐州人  
生劉萬秀貞豐州人  
生蕭遇元貞豐州人  
生邢士蒸興義府人  
員宋杰興義府人  
員張有垣興義府人  
員夏從本興義府人  
員夏撫辰興義府人  
員史念徵興義府人  
員周汝楨興義府人